



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 75. Pontificis responsum ad Rupellensis & Lucionensis Episcoporum
litteras.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII. „hac ejusdem Principis scriptione tech-
 A. C. 1711. „næ omnes fraudesque iniqua loquen-
 „tium, quacunque prorsus caligine de-
 „pulsæ, detectæ fuerint, eritque pro-
 „fecto hoc eximie illius pietatis & glo-
 „riæ perpetuum monumentum ære
 „perennius &c. Hac Pontificis epistola
 luculenter confunduntur Quesnellita-
 rum commenta contra hanc Delphini
 declarationem excogitata, de quibus
 infra.

§. LXXV,

*Pontificis responsum ad Rupellensis
 & Lucionensis Episcoporum
 epistolam.*

Epist. Clem. XI. p. 1554. Jam die prima Januarii ambo Episcopi
 Rupellensis & Lucionensis suam In-
 structionem Pastoralem ad summum
 Pontificem unacum literis transmisere,
 eamque Sedis Apostolicæ judicio sub-
 jecerunt: tardius vero eorum literæ
 ad Papam pervenerunt, quocirca Pon-
 tifex primum die quinta Julii respon-
 sum dedit, eorumque sollicitudinem in
 extirpandis Jansenianæ hæresis venenatis
 germinibus, Zelumque in insectanda am-
 plius, reprobandaque perversa & plane
 exitiali Novi Testamenti per insignem te-
 meritatem corrupti, subdolisque observa-
 tionibus depravata editione plurimum com-
 menda-

mendavit. Quod antiquæ, prosequenda- Sæc. XVIII.
 tur Pontifex, traditionis præcepta ser- A. C. 1711.
 vantes & Ecclesiasticæ memores disciplinæ
 documentum pastorale vestrum nobis obtule-
 ritis, apostolico illud iudicio subjicientes,
 id porro rite, & ex ordine factum juxta
 instituta Majorum probe cognoscimus,
 piisque vestrum & vere Catholicis Epi-
 scopis dignum erga supremam hanc beati
 Petri cathedram, ubi depositum fidei incor-
 rupte servatur, obsequium apprime lauda-
 mus; vere enim juxta Divinum monitum
 ascendistis ad locum, quem elegit Dominus,
 & Ecclesiarum omnium matrem, atque ma-
 gistrum consulistis, ubi beatus Petrus Apo-
 stolus, qui adhuc in propria sede vivit, &
 præsidet, præstat quærentibus fidei verita-
 tem: vobisque, Venerabiles Fratres, Apo-
 stolicam benedictionem peramanter imper-
 timur.

Postquam vero ambo Episcopi anno
 sequenti die trigesima Junii contra Car-
 dinalis Noaillii edictum questi, jus sibi
 a Papa dici petierant: Hic die vigesi-
 ma tertia Julii eis rescripsit, quod pen-
 satis etiam, quæ prælati Cardinalis
 nomine exposita fuere, quod justum
 fuerit, decreturus sit.